

«Երաժշտություն հանուն ապագայի հիմնադրամ»

Ֆինանսական հաշվետվություններ

*2023թ. դեկտեմբերի 31-ին ավարտված տարվա համար
Անկախ աուդիտորական եզրակացության հետ միասին*

Բովանդակություն

Անկախ աուդիտորական եզրակացություն

Ֆինանսական վիճակի մասին հաշվետվություն	1
Շահույթի կան վնասի և այլ համապարփակ ֆինանսական արդյունքների մասին հաշվետվություն	2
Չուտ ակտիվներում փոփոխությունների մասին հաշվետվություն	3
Դրամական միջոցների հոսքերի մասին հաշվետվություն	4

Ֆինանսական հաշվետվություններին կից ծանոթագրություններ

1. Հաշվետու կազմակերպություն	5
2. Հաշվետվությունների պատրաստման հիմունքները	5
3. Վերաներկայացում	5
4. Հաշվապահական հաշվառման նշանակալի քաղաքականությունների ամփոփ նկարագիրը	6
5. Թողարկված, բայց դեռ ուժի մեջ չմտած ստանդարտներ	9
6. Նշանակալի հաշվապահական դատողություններ, գնահատումներ և ենթադրություններ	10
7. Հիմնական միջոցներ	10
9. Դրամական միջոցներ և դրանց համարժեքներ	11
10. Առևտրային և այլ կրեդիտորական պարտքեր	11
11. Կրեդիտորական պարտքեր աշխատակիցներին	11
12. Եկամուտներ շնորհներից	11
13. Գործուղման և ներկայացուցչական ծախսեր	12
14. Մրցույթների և միջոցառումների կազմակերպման ծախսեր	12
15. Կարճաժամկետ վարձակալության գծով ծախսեր	12
16. Մասնագիտական ծառայությունների գծով ծախսեր	12
17. Ֆինանսական աջակցության գծով ծախսեր	13
18. Շահութահարկի գծով ծախս	13
19. Պայմանականություններ	13
20. Գործարքներ կապակցված կողմերի հետ	13
21. Ֆինանսական գործիքների իրական արժեք	14
22. Ռիսկի կառավարում	14

Անկախ աուդիտորական եզրակացություն

«Երաժշտություն հանուն ապագայի»
Հոգաբարձուների խորհրդին

Կարծիք

Մենք աուդիտի ենք ենթարկել «Երաժշտություն հանուն ապագայի» (այսուհետ՝ «Հիմնադրամ») ֆինանսական հաշվետվությունները, որոնք ներառում են 2023թ. դեկտեմբերի 31-ի դրությամբ ֆինանսական վիճակի մասին հաշվետվությունը, նույն ամսաթվին ավարտված տարվա համար շահույթի կամ վնասի և այլ համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման քաղաքականության վերաբերյալ էական տեղեկատվությունը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Հիմնադրամի ֆինանսական վիճակը 2023թ. դեկտեմբերի 31-ի դրությամբ, նույն ամսաթվին ավարտված տարվա համար ֆինանսական արդյունքները, համապարփակ ֆինանսական արդյունքները և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմքեր

Մենք աուդիտն իրականացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների Էթիկայի Միջազգային Ստանդարտների Խորհրդի (ՀԷՄՍԽ) կողմից հրապարակված Պրոֆեսիոնալ հաշվապահի Էթիկայի միջազգային կանոնագրքի (ներառյալ՝ Անկախության Միջազգային Ստանդարտները) (ՀԷՄՍԽ կանոնագիրք), ինչպես նաև Հայաստանի Հանրապետությունում կիրառելի Էթիկայի այն պահանջների, որոնք վերաբերում են ֆինանսական հաշվետվությունների մեր աուդիտին, և պահպանել ենք Էթիկայի այլ պահանջները՝ համաձայն ՀԷՄՍԽ կանոնների: Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:

Այլ հանգամանք

«Երաժշտություն հանուն ապագայի» հիմնադրամի 2022թ. դեկտեմբերի 31-ին ավարտված տարվա ֆինանսական հաշվետվությունները աուդիտի են ենթարկվել այլ աուդիտորի կողմից, ով այդ հաշվետվությունների վերաբերյալ 2023թ. հունիսի 27-ին արտահայտել է չձևավափոխված կարծիք:

Ղեկավարության և հոգաբարձուների խորհրդի պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվություններ պատրաստելիս ղեկավարությունը պատասխանատու է Հիմնադրամի անընդհատ գործելու կարողությունը գնահատելու համար, համապատասխան դեպքերում անընդհատության հետ կապված հարցերը բացահայտելու և Հիմնադրամի գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Հիմնադրամը, ընդհատել դրա գործունեությունը, կամ երբ չունի այդպես չվարվելու որևէ իրատեսական այլընտրանք:

Հոգաբարձուների խորհուրդը պատասխանատու է Հիմնադրամի ֆինանսական հաշվետվությունների պատրաստման գործընթացի նկատմամբ վերահսկողության համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները, ամբողջությամբ վերցրած, զերծ են էական խեղաթյուրումներից՝ անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ Աուդիտի միջազգային ստանդարտներին համաձայն իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն:

Ի լրումն՝

- ▶ Հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չբացահայտման ռիսկն ավելի բարձր է, քան սխալի հետևանքով էական խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ▶ Ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:

- ▶ Չնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- ▶ Եզրահանգում ենք ղեկավարության կողմից հաշվապահական հաշվառման անընդհատության սկզբունքի կիրառման տեղին լինելու վերաբերյալ և հիմնվելով ձեռք բերված աուդիտորական ապացույցների վրա՝ գնահատում ենք, թե արդյոք առկա է ղեպքերի կամ հանգամանքների հետ կապված էական անորոշություն, որը կարող է էական կասկած հարուցել Հիմնադրամի անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, երբ այդ բացահայտումները համապատասխան չեն, ձևափոխել մեր կարծիքը: Մեր եզրահանգումները հիմնված են միևնույն մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Սակայն, ապագա իրադարձություններն ու հանգամանքները կարող են հանգեցնել Հիմնադրամի գործունեության անընդհատության դադարեցմանը:
- ▶ Չնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու ղեպքերի ճշմարիտ ներկայացումը:

Հոգաբարձուների խորհրդին, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

«Երևսթ ընդ Յանգ» ՓԲԸ

ՀՀ, ք. Երևան

Գլխավոր տնօրեն,
Աուդիտի բաժնի գործընկեր՝



Երիկ Հայրապետյան


1 հունիսի, 2024թ.

Ֆինանսական վիճակի մասին հաշվետվություն
2023թ. դեկտեմբերի 31-ի դրությամբ
 (հազար ՀՀ դրամ)

		2023թ. Ծան. Դեկտեմբերի 31	2022թ. Դեկտեմբերի 31 (վերաներկայա ցված ծան.3)
Ակտիվներ			
Ոչ ընթացիկ ակտիվներ			
Հիմնական միջոցներ	7	5,713	88
		<u>5,713</u>	<u>88</u>
Ընթացիկ ակտիվներ			
Պաշարներ		-	20
Տրված կանխավճարներ	8	10,585	10,126
Դրամական միջոցներ և դրանց համարժեքներ	9	144,137	58,913
Այլ ընթացիկ ակտիվներ		2,181	2,278
		<u>156,903</u>	<u>71,337</u>
		<u>162,616</u>	<u>71,425</u>
Ընդամենը ակտիվներ			
Ընթացիկ պարտավորություններ			
Առևտրային և այլ կրեդիտորական պարտքեր	10	7,933	1,843
Եկամուտների վերաբերող շնորհներ	12	7,245	-
Կրեդիտորական պարտքեր աշխատակիցների	11	5,594	2,791
Ընթացիկ հարկային պարտավորություններ		1,077	781
		<u>21,849</u>	<u>5,415</u>
		<u>21,849</u>	<u>5,415</u>
Ընդամենը պարտավորություններ			
Չուտ ակտիվներ			
Չուտ ակտիվներ		140,767	66,010
Ընդամենը զուտ ակտիվներ		<u>140,767</u>	<u>66,010</u>
Ընդամենը զուտ ակտիվներ և պարտավորություններ		<u>162,616</u>	<u>71,425</u>

Սույն ֆինանսական հաշվետվությունները հաստատվել են Հիմնադրամի ղեկավարների խորհրդի կողմից և ստորագրվել՝

Տնօրեն՝



Աննա Տրվ. Իսկանյան



«Զի Էմ Էնջ Փարթներս» ՍՊԸ՝

Կարեն Գրիգորյան

1 հուլիսի, 2024թ.



Կից ներկայացված 1-ից 23 ծանոթագրությունները հանդիսանում են սույն ֆինանսական հաշվետվությունների բաղկացուցիչ մաս:

Շահույթի կամ վնասի և այլ համապարփակ ֆինանսական արդյունքների մասին հաշվետվություն 2023թ. դեկտեմբերի 31-ին ավարտված տարվա համար

(հազար ՀՀ դրամ)

		2023թ. դեկտեմբերի 31	2022թ. դեկտեմբերի 31 (վերաներկայաց- ված ծան. 3)
Եկամուտներ շնորհներից	12	219,296	270,563
Այլ եկամուտ		-	1,900
Ընդամենը եկամուտ		219,296	272,463
Հատուցումներ աշխատակիցներին		(36,449)	(36,441)
Գործուղման և ներկայացուցչական ծախսեր	13	(28,465)	(14,181)
Մրցույթների և միջոցառումների կազմակերպման ծախսեր	14	(53,059)	(62,490)
Կարճաժամկետ վարձակալության գծով ծախսեր	15	(13,333)	(11,449)
Մասնագիտական ծառայությունների գծով ծախսեր	16	(7,500)	(19,890)
Ֆինանսական աջակցության գծով ծախսեր	17	(5,040)	(8,249)
Գրասենյակային և կոմունալ ծախսեր		(2,130)	(1,997)
Այլ ծախսեր		(736)	(138)
Ենթադրամաշնորհի գծով ծախսեր		(140)	(18,935)
Ընդամենը ծախսեր		(146,853)	(173,950)
Գործառնական շահույթ		72,443	98,513
Արտարժույթի փոխարժեքի փոփոխությունների զուտ տարբերություններ		2,314	(28,454)
Վնաս մինչև հարկումը		74,757	70,058
Շահութահարկի գծով ծախս	18	-	-
Հաշվետու տարվա շահույթ		74,757	70,058

Կից ներկայացված 1-ից 15 ծանոթագրությունները հանդիսանում են սույն ֆինանսական հաշվետվությունների բաղկացուցիչ մաս:

Չուտ ակտիվների շարժի մասին հաշվետվություն
2023թ. դեկտեմբերի 31-ին ավարտված տարվա համար
(հազար ՀՀ դրամ)

	<i>Ընդամենը զուտ ակտիվներ</i>
2021թ. դեկտեմբերի 31-ի դրությամբ	(4,048)
Ընդամենը հաշվետու տարվա շահույթ (Վերաներկայացված ծան.3)	70,058
2022թ. դեկտեմբերի 31-ի դրությամբ (Վերաներկայացված)	66,010
Ընդամենը հաշվետու տարվա շահույթ	74,757
2023թ. դեկտեմբերի 31-ի դրությամբ	140,767

Դրամական միջոցների հոսքերի մասին հաշվետվություն**2023թ. դեկտեմբերի 31-ին ավարտված տարվա համար**

(հազար ՀՀ դրամ)

	Շան.	2023թ.	2022թ.
Դրամական միջոցների հոսքեր գործառնական գործունեությունից			
Շնորհներից մուտքեր		227,752	45,524
Այլ մուտքեր		-	765
Աշխատակիցներին վճարված դրամական միջոցներ		(24,429)	(24,661)
Մատակարարներին վճարված դրամական միջոցներ		(97,782)	(70,214)
Վճարված հարկեր և այլ պարտադիր վճարումներ		(10,296)	(10,731)
Գործառնական գործունեությունից դրամական միջոցների այլ արտահոսքեր		(221)	(1,318)
Ենթադրամաշնորհներից և ֆինանսական աջակցությունից ելքեր		(5,190)	(27,365)
Չուտ դրամական միջոցների հոսքեր՝ ստացված գործառնական գործունեությունից/ (օգտագործված) գործառնական գործունեությունում		89,834	(88,000)
Դրամական միջոցների հոսքեր ներդրումային գործունեությունից			
Հիմնական միջոցների ձեռքբերում		(4,949)	-
Չուտ դրամական միջոցների հոսքեր՝ օգտագործված ներդրումային գործունեությունում		(4,949)	-
Արտարժույթի փոխարժեքի փոփոխությունների ազդեցությունը դրամական միջոցների և դրանց համարժեքների վրա		339	(28,454)
Դրամական միջոցների և դրանց համարժեքների զուտ աճ		85,224	(116,454)
Դրամական միջոցներ և դրանց համարժեքներ հաշվետու տարվա սկզբում		58,913	175,367
Դրամական միջոցներ և դրանց համարժեքներ հաշվետու տարվա վերջում	9	144,137	58,913

Կից ներկայացված 1-ից 15 ծանոթագրությունները հանդիսանում են սույն ֆինանսական հաշվետվությունների բաղկացուցիչ մաս:

(հազար ՀՀ դրամ)

1. Հաշվետու կազմակերպություն

Գործառնությունների բնույթը և ընդհանուր տեղեկատվություն

«Երաժշտություն հանուն ապագայի հիմնադրամը»-ը (այսուհետ՝ – «Հիմնադրամ») հիմնադրվել է 2016թ.-ին՝ որպես շահույթ չհետապնդող կազմակերպություն և գործում է Հայաստանի Հանրապետության օրենսդրության համաձայն:

Հիմնադրամը հետապնդում է մշակութային հանրահռչակման և զարգացման նպատակներ և ուղղված է կրթական և սոցիալական և մշակութային ծրագրերի իրականացմանը:

Հիմնադրամի հիմնադիրն է Սերգեյ Սմբատյանը:

Հիմնադրամը գտնվում է ՀՀ, ք. Երևան, 0001, Մոսկովյան 31 հասցեում:

Հոգաբարձուների խորհուրդը բաղկացած է 4 անդամից: 2023թ. դեկտեմբերի 31-ի դրությամբ Հիմնադրամն ունեցել է 6 աշխատող (2022-ին՝ 5 աշխատող) :

Հիմնադրամի հիմնական նպատակները հետևյալն են՝

- ▶ Բացահայտել, զարգացնել, կրթել և աջակցել տաղանդաշատ երաժիշտներին, մշակույթի և արվեստի ներկայացուցիչներին, մշակութային և կրթական հաստատություններին և կազմակերպություններին ամբողջ աշխարհում:
- ▶ Տրամադրել կրթաթոշակներ, նյութական օժանդակություն շնորհալի երաժիշտներին, երգիչներին, արվեստի ներկայացուցիչներին, ապահովել նրանց մասնակցությունը միջազգային տարբեր երաժշտական փառատոններին, միջոցառումներին, մրցույթներին և երաժշտական ծրագրերին:
- ▶ Նպաստել Հայաստանի և սփյուռքի հայ մշակութային և կրթական կազմակերպությունների և անհատների միջև կապերի հաստատմանը և համագործակցությանը, հայ մշակույթի ներուժի համախմբմանը:
- ▶ Նպաստել հայկական մշակույթի, դասական երաժշտության կատարողական արվեստի զարգացմանը և տարածմանը Հայաստանում և նրա սահմաններից դուրս:

2. Հաշվետվությունների պատրաստման հիմունքները

Ընդհանուր

Սույն ֆինանսական հաշվետվությունները պատրաստվել են ֆինանսական հաշվետվությունների միջազգային ստանդարտների համաձայն («ՖՀՄՍ»):

Հիմնադրամը պարտավորված է իրականացնել հաշվապահական հաշվառումը և պատրաստել ֆինանսական հաշվետվությունները ՀՀ դրամով՝ հաշվապահական հաշվառման ՀՀ օրենսդրությանը և դրանից բխող ցուցումներին համապատասխան:

Ֆինանսական հաշվետվությունները պատրաստվել են պատմական արժեքի սկզբունքի հիման վրա, ինչպես բացահայտված է ստորև բերված հաշվապահական հաշվառման քաղաքականության մեջ:

Ֆինանսական հաշվետվությունները ներկայացված են հայկական դրամով («ՀՀ դրամ»), և բոլոր արժեքները կլորացված են մինչև հազար ՀՀ դրամ, եթե այլ բան նշված չէ:

3. Վերաներկայացում

2023թ. ընթացքում Հիմնադրամը նախորդ տարիներին վերաբերող սխալներ գտնելու արդյունքում որոշել է վերաներկայացնել նախորդ տարվա ֆինանսական հաշվետվությունները՝ համաձայն ՀՀ ՄՍ 8-ի՝ «Հաշվապահական հաշվառման քաղաքականություն, փոփոխություններ հաշվապահական հաշվառման գնահատումներում և սխալներ»: Վերոնշյալի արդյունքում, Հիմնադրամի ղեկավարությունը որոշել է համապատասխան ճշգրտումներ կատարել ֆինանսական հաշվետվություններում, որոնք կիրառվել են հետընթաց:

2023թ.-ի ֆինանսական հաշվետվությունները պատրաստելիս ղեկավարությունը վերահաշվարկել է կերդիտորական պարտքերը աշխատակիցներին, վերաբերվող չօգտագործված արձակուրդային օրերին, որոնք նախորդ տարի թերի էին հաշվարկվել :

(հազար ՀՀ դրամ)

3. Վերաներկայացում (շարունակություն)

Սկսած 2023թ.-ի դեկտեմբերի 31 -ին ավարտվող տարվանից Հիմնադրամը շնորհներից եկամուտները ճանաչում է շահույթում կամ վնասում սխտեմատիկ հիմունքով այն ժամանակաշրջանների ընթացքում, երբ հիմնադրամը որպես ծախս է ճանաչում դրանց համապատասխան ծախսումները, որոնց փոխհատուցման համար նախատեսված են շնորհները: Եկամուտները այն շնորհներից, որոնք չունեն դրանց հետ կապված հետագա ծախսումներ, ճանաչվում են շահույթում կամ վնասում այն հաշվետու ժամանակաշրջանում, երբ դրանք ստացվում են կամ դառնում են ստացման ենթակա: Նախկինում շնորհներից եկամուտները ճանաչվել են ընդհանուր ծախսերի գումարի չափով՝ առանց հաշվի առնելու շնորհների պայմանագրերի կոնկրետ պայմանները:

2022թ. դեկտեմբերի 31-ի դրությամբ ֆինանսական վիճակի մասին հաշվետվության վրա ուղղումների ազդեցությունը հետևյալն է՝

	Նախկինում ներկայացված	Սխալի ուղղում	Վերաներկայացված
Չուտ ակտիվներ	(30,602)	96,612	66,010
Կրեդիտորական պարտքեր աշխատակիցներին	-	2,791	2,791
Եկամուտներին վերաբերող շնորհներ	99,403	(99,403)	-

2022թ. դեկտեմբերի 31-ին ավարտված տարվա շահույթ կամ վնասի և այլ համապարփակ ֆինանսական արդյունքի մասին հաշվետվության վրա ուղղման ազդեցությունը հետևյալն էր՝

	Նախկինում ներկայացված	Սխալի ուղղում	Վերաներկայացված
Եկամուտներ շնորհներից	171,160	99,403	270,563
Ընդամենը եկամուտ	173,060	99,403	272,463
Հատուցումներ աշխատակիցներին	(33,650)	(2,791)	(36,441)
Ընդամենը ծախսեր	(171,160)	(2,791)	(173,950)
Գործառնական շահույթ	1,900	96,913	98,513
Շահույթ մինչև հարկումը	(26,554)	96,913	70,058
Հաշվետու տարվա շահույթ	(26,554)	96,913	70,058

Կից ծախսագրություններն համապատասխանաբար փոփոխվել են: Ծշգրտումները որևէ ազդեցություն չեն ունեցել 2022 թվականի հունվարի 1-ի դրությամբ ֆինանսական վիճակի և 2022 թվականի դեկտեմբերի 31-ին ավարտվող տարվա դրամական միջոցների հոսքերի մասին հաշվետվության վրա:

4. Հաշվապահական հաշվառման նշանակալի քաղաքականությունների ամփոփ նկարագիրը

ա) Հաշվապահական հաշվառման նշանակալի քաղաքականություն

Դրամական միջոցներ և դրանց համարժեքներ

Դրամական միջոցներն ու դրանց համարժեքները ներառում են կանխիկ միջոցները և բանկային հաշիվների մնացորդները:

Ավանդադրված միջոցները դասակարգվում են որպես կարճաժամկետ, եթե նրանց մարման ժամկետը հաշվետու ժամանակաշրջանից հետո մինչև 90 օր է:

Կանխավճարներ

Կանխավճարները հաշվառվում են սկզբնական արժեքով՝ հանած արժեքի վրա կորստի գծով պահուստը: Կանխավճարը դասակարգվում է որպես ոչ ընթացիկ, երբ դրա հետ կապված ապրանքներն ու ծառայությունները ակնկալվում են ձեռք բերվել մեկ տարուց հետո, կամ երբ այն վերաբերում է այնպիսի ակտիվի, որը սկզբնական ճանաչման պահին կդասակարգվեր որպես ոչ ընթացիկ:

Ակտիվների ձեռքբերման համար տրված կանխավճարները տեղափոխվում են ակտիվի հաշվեկշռային արժեք, երբ Հիմնադրամը ակտիվի նկատմամբ ձեռք է բերում վերահսկողություն, և հավանական է, որ ակտիվի հետ կապված ապագա տնտեսական օգուտները կհոսեն դեպի Հիմնադրամ: Այլ կանխավճարները ծախսագրվում են ֆինանսական արդյունքներում, երբ ստացվում են դրանց հետ կապված ապրանքներն ու ծառայությունները: Եթե առկա է որևէ հայտանիշ, որ կանխավճարի հետ կապված ակտիվները, ապրանքներն ու ծառայությունները չեն ստացվելու, ապա կանխավճարի հաշվեկշռային արժեքը համարժեք կերպով նվազեցվում է, և համապատասխան արժեքը կորուստը ճանաչվում է տվյալ տարվա ֆինանսական արդյունքներում:

(հազար ՀՀ դրամ)

4. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

ա) Հաշվապահական հաշվառման նշանակալի քաղաքականություն (շարունակություն)

Հիմնական միջոցներ

Հիմնական միջոցներն արտացոլվում են սկզբնական արժեքով՝ առանց ընթացիկ սպասարկման ծախսերի՝ հանած կուտակված մաշվածությունն ու արժեզրկումից կուտակված կորուստները: Արժեքը ներառում է սարքավորման փոխարինման ժամանակ կատարված ծախսերը, եթե դրանք բավարարում են ճանաչման չափանիշներին:

Հիմնական միջոցների հաշվեկշռային արժեքը վերանայվում է արժեզրկման տեսանկյունից այն դեպքում, երբ առաջանում են դեպքերի կամ հանգամանքների այնպիսի փոփոխություններ, որոնք վկայում են ակտիվի հաշվեկշռային արժեքի հնարավոր չվերականգնման վերաբերյալ:

Ակտիվի մաշվածության հաշվարկը սկսվում է կատարվել այն ժամանակ, երբ այն օգտագործման համար դառնում է հասանելի: Մաշվածությունը հաշվարկվում է ուղիղ գծային մեթոդով՝ ակտիվի ներքոնշյալ օգտակար ծառայության գնահատված ժամկետների ընթացքում:

Հոդված	Օգտակար ծառայության ժամկետ
Մեքենաներ և սարքավորումներ	5 տարի
Գրասենյակային գույք	5 տարի
Երաժշտական գործիքներ	8 տարի

Ակտիվի մնացորդային արժեքները, օգտակար ծառայության ժամկետները և մաշվածության մեթոդները անհրաժեշտության դեպքում վերանայվում և փոփոխվում են յուրաքանչյուր հաշվետու ամսաթվի դրությամբ:

Վերանորոգումների և սպասարկման հետ կապված ծախսումները ծախսագրվում են կատարման ժամանակ և ներառվում են այլ գործառնական ծախսերում, բացառությամբ, եթե դրանք բավարարում են կապիտալացման չափանիշներին:

Հիմնական միջոցի միավորի հաշվեկշռային արժեքը պետք է ապաճանաչվի, երբ այն օտարվում է կամ ապագա ոչ մի տնտեսական օգուտ չի ակնկալվում վերջինիս օգտագործումից կամ օտարումից: Հիմնական միջոցի միավորի ապաճանաչումից առաջացող օգուտը կամ վնասը (որոշվում է որպես ակտիվի իրացումից գուտ մուտքերի և հաշվեկշռային արժեքի տարբերություն) պետք է ներառվի շահույթում կամ վնասում այն ժամանակաշրջանում, երբ միավորն ապաճանաչվում է:

Ֆինանսական ակտիվներ

Հիմնադրամի ֆինանսական ակտիվները սկզբնական ճանաչման պահին դասակարգվում են որպես հետագայում ամորտիզացված արժեքով չափվող, իրական արժեքով՝ այլ համապարփակ ֆինանսական արդյունքների միջոցով չափվող կամ իրական արժեքով՝ շահույթի կամ վնասի միջոցով չափվող ֆինանսական ակտիվներ:

Հիմնադրամն ունի այնպիսի ֆինանսական ակտիվներ, ինչպիսիք են դրամական միջոցներն ու դրանց համարժեքները և ավանդադրված միջոցներ, որոնք հանդիսանում են իր գործունեության անմիջական արդյունքը:

Ֆինանսական ակտիվը (կամ, որտեղ կիրառելի է, ֆինանսական ակտիվի մի մասը, կամ համանման ֆինանսական ակտիվների խմբի մի մասը) ապաճանաչվում է, երբ՝

- ▶ ակտիվից դրամական հոսքեր ստանալու պահանջի իրավունքի ժամկետն ավարտված է,
- ▶ Հիմնադրամը փոխանցել է ակտիվից դրամական հոսքեր ստանալու պահանջի իրավունքը, կամ պահպանել է այդ իրավունքը, բայց պարտավորվում է ստացված գումարներն ամբողջությամբ և առանց էական ուշացման փոխանցել երրորդ կողմին՝ փոխանցման պայմանավորվածության համաձայն, ինչպես նաև,
- ▶ Հիմնադրամը կամ (ա) փոխանցել է ակտիվի գծով բոլոր ռիսկերի և հատույցների զգալի մասը, կամ (բ) ոչ փոխանցել և ոչ էլ պահպանում է ակտիվի գծով բոլոր ռիսկերի և հատույցների զգալի մասը, սակայն փոխանցել է ակտիվի նկատմամբ վերահսկողությունը:

Այն դեպքում, երբ Հիմնադրամը փոխանցել է ակտիվից դրամական հոսքեր ստանալու պահանջի իրավունքը և ոչ փոխանցել ու ոչ էլ պահպանել է ակտիվի գծով բոլոր ռիսկերի և հատույցների զգալի մասը, և չի փոխանցել ակտիվի նկատմամբ վերահսկողությունը, ակտիվը ճանաչվում է Հիմնադրամի շարունակվող մասնակցությանը համարժեք: Երբ շարունակվող մասնակցությունը ձեռք է բերում փոխանցվող ակտիվի երաշխիքային ապահովման ձև, այդպիսի մասնակցությունը չափվում է հետևյալ երկու մեծություններից նվազագույնով՝ ակտիվի սկզբնական հաշվեկշռային արժեք և Հիմնադրամից պահանջվող փոխհատուցման առավելագույն գումար:

(հազար ՀՀ դրամ)

4. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

ա) Հաշվապահական հաշվառման նշանակալի քաղաքականություն (շարունակություն)

Համաձայն ՖՀՄՍ 9-ի՝ պարտքային գործիքները սկզբնական ճանաչումից հետո չափվում են իրական արժեքով՝ շահույթի կամ վնասի միջոցով, ամորտիզացված արժեքով կամ իրական արժեքով՝ այլ համապարփակ ֆինանսական արդյունքների միջոցով: Դասակարգումը հիմնված է հետևյալ երկու չափանիշների վրա: Հիմնադրամի ակտիվների կառավարման բիզնես մոդելի և արդյոք գործիքի գծով պայմանագրային դրամական միջոցների հոսքերը բավարարում են «բացառապես հիմնական գումարի և տոկոսների վճարման» չափանիշին: ՖՀՄՍ 9-ը պահանջում է Հիմնադրամից ճանաչել ակնկալվող պարտքային կորստի գծով պահուստ բոլոր այն պարտքային գործիքների համար, որոնք չափվում են ամորտիզացված արժեքով կամ իրական արժեքով՝ այլ

համապարփակ ֆինանսական արդյունքների միջոցով:

Հիմնադրամը բանկերում բացված հաշիվների և ավանդների համար պահուստի գումարը հաշվարկում է՝ ելնելով գործընկեր բանկի երկարաժամկետ վարկային ռեյտինգից:

Ֆինանսական պարտավորություններ

Ֆինանսական պարտավորությունները սկզբնապես ճանաչվում են իրական արժեքով՝ հանած գործարքին ուղղակիորեն վերագրելի ծախսերը, և չեն դասակարգվում որպես իրական արժեքով՝ շահույթի կամ վնասի միջոցով չափվող: Հետագա չափումը կատարվում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Հիմնադրամի հիմնական ֆինանսական պարտավորությունները բաղկացած են կրեդիտորական պարտքերից:

Ֆինանսական պարտավորությունն ապաճանաչվում է, երբ մարվում, չեղյալ է համարվում կամ ուժի մեջ լինելու ժամկետը լրանում է:

Եկամուտներ

Եկամտի սահմանափակ օգտագործման ֆոնդերը ստացվում են հատուկ նպատակով նվիրաբերություններից և հասանելի չեն Հիմնադրամի ընդհանուր օգտագործման համար: Այս ֆոնդերը սկզբնապես ձևակերպվում են որպես պարտավորություններ և համապարփակ ֆինանսական արդյունքների մասին հաշվետվությունում ճանաչվում են որպես եկամուտ այնքան ժամանակ, որքան Հիմնադրամը կատարում է սահմանափակ օգտագործման ֆոնդերի գծով նվիրաբերությունների պայմանագրերով նախատեսված պարտավորությունները: Որպես կանոն՝ նման նվիրաբերություններից եկամուտները ճանաչվում են պարտավորությունները կատարելիս դրանց հետ կապված ծախսերի առաջացմանը զուգընթաց: Եկամտի սահմանափակ օգտագործման ֆոնդի տեսակ է սեփական օգտագործման ֆոնդը, որը տրամադրվում է հիմնական միջոցների և ոչ կյուբական ակտիվների ձեռքբերումը ֆինանսավորելու նպատակով՝ Հիմնադրամի գործունեության մեջ օգտագործվելու համար: Սեփական օգտագործման ֆոնդի գծով նվիրաբերությունները սկզբից ձևակերպվում են որպես պարտավորություններ և համապարփակ ֆինանսական արդյունքների մասին հաշվետվությունում ճանաչվում են որպես եկամուտ համապատասխան ակտիվների մաշվածության և ամորտիզացիայի գծով ծախսի չափով: Եկամտի անսահմանափակ օգտագործման ֆոնդերը հասանելի են նվիրաբերությունների ընդհանուր նպատակների համար, ինչպես նշված է Հիմնադրամի կառավարչական փաստաթղթերում: Այդ իսկ պատճառով, եկամտի անսահմանափակ օգտագործման ֆոնդերի գծով նվիրաբերությունները ճանաչվում են որպես եկամուտ, երբ կան բավարար ապացույցներ, որ ստացվել և կատարվել է նվիրաբերությունը կատարելու խոստումը:

Չուտ ակտիվներ

Հիմնադրամի զուտ ակտիվները ներառում է տարվա արդյունքը: Հիմնադրամի զուտ ակտիվները չեն բաշխվում հիմնադիրների միջև ո՛չ սովորական գործունեության ընթացքում, և ոչ էլ՝ լուծարման ժամանակ:

Տոկոսային եկամուտ

Եկամուտները ճանաչվում են այն ժամանակ, երբ տոկոսները հաշվեգրվում են օգտագործելով արդյունավետ տոկոսադրույքի մեթոդը, որն ակնկալվող ապագա դրամական մուտքերը գեղջում է ֆինանսական գործիքի ակնկալվող օգտագործման ժամանակահատվածի ընթացքում ֆինանսական ակտիվի զուտ հաշվեկշռային արժեքին:

Ծախսեր

Վճարները, միջնորդավճարները և այլ ծախսերը սովորաբար ճանաչվում են հաշվեգրման եղանակով, երբ ծառայությունը համարվում է մատուցված:

(հազար ՀՀ դրամ)

4. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

ա) Հաշվապահական հաշվառման նշանակալի քաղաքականություն (շարունակություն)

Աշխատակիցների հատուցումներ

Աշխատավարձերը, ՀՀ Պետական բյուջե հատկացումները, վճարովի տարեկան արձակուրդը, հիվանդության հետ կապված վճարովի արձակուրդը, պարգևավճարները և այլ ոչ դրամական հատուցումները (ինչպիսիք են, օրինակ, առողջապահական ծառայությունները) հաշվեգրվում են Հիմնադրամի աշխատակիցների կողմից համապատասխան ծառայությունների մատուցման տարում: Աշխատակիցները ստանում են կենսաթոշակներ ՀՀ Պետական կենսաթոշակային հիմնադրամից՝ օրենքներին և կարգավորումներին համապատասխան: ՀՀ Պետական կենսաթոշակային հիմնադրամին հատկացումները կատարվում են Հիմնադրամի կողմից տվյալ տարվա ընթացքում ուժի մեջ գտնվող պարտադիր դրույքաչափերին համապատասխան: Այսպիսի հատկացումները ծախսագրվում են, երբ կատարվում են:

Արտարժույթային գործառնություններ

Հիմնադրամի ֆինանսական հաշվետվությունները ներկայացված են Հայկական դրամով, որը Հիմնադրամի գործառնական և ներկայացման արժույթն է: Արտարժույթով գործարքները սկզբնապես հաշվառվում են գործարքի կատարման ամսաթվի դրությամբ առկա գործառնական արժույթի փոխարժեքով: Արտարժույթով սահմանված դրամային ակտիվները և պարտավորությունները վերահաշվարկվում են հաշվետու ամսաթվի դրությամբ գործառնական արժույթի փոխանակման փոխարժեքով: Ոչ դրամային հողվածները, որոնք չափվում են պատմական արժեքով, արտարժույթով վերահաշվարկվում են՝ օգտագործելով սկզբնական գործարքի ամսաթվի դրությամբ փոխարժեքները:

Արտարժույթով գործարքների պայմանագրային փոխարժեքի և գործարքի օրվա դրությամբ ՀՀ կենտրոնական բանկի կողմից սահմանված փոխարժեքի տարբերությունները արտացոլվում են արտարժույթային գործառնություններից առաջացած օգուտ կամ վնասում:

2023 թ. դեկտեմբերի 31-ի դրությամբ ՀՀ կենտրոնական բանկի կողմից 1 ԱՄՆ դոլարի համար հայտարարված փոխարժեքը կազմում էր 404.79 ՀՀ դրամ (2022թ.՝ 393.57 ՀՀ դրամ), իսկ 1 եվրոյի համար՝ 447.9 ՀՀ դրամ (2022թ.՝ 420.06 ՀՀ դրամ):

բ) Նոր և փոփոխված ստանդարտներ և մեկնաբանություններ

Հիմնադրամն առաջին անգամ կիրառել է որոշ ստանդարտներ և փոփոխություններ, որոնք ուժի մեջ են մտնում 2023թ. հունվարի 1-ից կամ դրանից հետո սկսվող տարեկան ժամանակաշրջանների համար (եթե այլ բան նշված չէ):

ՀՀՄՍ 1-ում և ՖՀՄՍ կիրառման No 2 ուղեցույցում փոփոխություններ. Հաշվապահական քաղաքականության բացահայտում:

ՀՀՄՍ 8-ում փոփոխություններ. Հաշվապահական հաշվառման գնահատումների սահմանում:

Այս փոփոխությունները որևէ էական ազդեցություն չեն ունեցել Հիմնադրամի վրա:

5. Թողարկված, բայց դեռ ուժի մեջ չմտած ստանդարտներ

Ստորև նկարագրված են հրապարակված նոր և փոփոխված ստանդարտներն ու մեկնաբանությունները, որոնք Հիմնադրամի ֆինանսական հաշվետվությունների թողարկման ժամանակ դեռևս ուժի մեջ չեն եղել: Հիմնադրամը պատրաստվում է կիրառելիության դեպքում ընդունել այս նոր և փոփոխված ստանդարտները և մեկնաբանությունները, երբ դրանք ուժի մեջ մտնեն: Ավելայվում է, որ այս փոփոխությունները Հիմնադրամի ֆինանսական հաշվետվությունների վրա էական ազդեցություն չեն ունենա:

- ▶ **ՀՀՄՍ 16 ստանդարտի փոփոխություններ.** Վարձակալության գծով պարտավորություն Վաճառքի և հետադարձ վարձակալության գործարքներում,
- ▶ **Փոփոխություններ ՀՀՄՍ 1-ում.** Պարտավորությունների դասակարգումը որպես ընթացիկ կամ ոչ ընթացիկ,
- ▶ **Մատակարարների ֆինանսավորման պայմանավորվածություններ** – փոփոխություններ ՀՀՄՍ 7 և ՖՀՄՍ 7 ստանդարտներում:

(հազար ՀՀ դրամ)

6. Նշանակալի հաշվապահական դատողություններ, գնահատումներ և ենթադրություններ

Գնահատումներ, ենթադրություններ և դատողություններ

Հիմնադրամի կողմից հաշվապահական հաշվառման քաղաքականության կիրառման ընթացքում Հիմնադրամի ղեկավարությունը կատարել է գնահատումներ և դատողություններ՝ ֆինանսական հաշվետվություններում ներկայացված տվյալների որոշման համար: Առավել էական ազդեցություն ունեցող գնահատումները և դատողությունները հետևյալն են.

Հիմնական միջոցների օգտակար ծառայության ժամկետ

Հիմնադրամը գնահատում է հիմնական միջոցների մնացորդային օգտակար ծառայության ժամկետներն առնվազն յուրաքանչյուր ֆինանսական տարվա ավարտին: Եթե սպասելիքները տարբերվում են նախորդ գնահատումներից, փոփոխությունները հաշվառվում են որպես փոփոխություններ հաշվապահական հաշվառման գնահատումներում՝ համաձայն ՀՀՄՍ 8՝ «Հաշվապահական հաշվառման քաղաքականություններ, փոփոխություններ հաշվապահական հաշվառման գնահատումներում և սխալներ» ստանդարտի: Այս գնահատումները կարող են ունենալ նշանակալի ազդեցություն հիմնական միջոցների հաշվեկշռային արժեքների վրա:

7. Հիմնական միջոցներ

Հիմնական միջոցները և դրանց գծով կուտակված մաշվածությունը բաղկացած են հետևյալ հոդվածներից.

	<i>Ոչ նյութական ակտիվներ</i>	<i>Հիմնական միջոցներ</i>	<i>Ընդամենը</i>
Սկզբնական արժեք			
Մնացորդ 2022թ. հունվարի 1-ի դրությամբ	-	88	88
Ավելացումներ	-	-	-
Մնացորդ 2022թ. դեկտեմբերի 31-ի դրությամբ	-	88	88
Ավելացումներ	4,900	818	5,718
Մնացորդ 2023թ. դեկտեմբերի 31-ի դրությամբ	4,900	906	5,806
Կուտակված մաշվածություն			
Մնացորդ 2022թ. հունվարի 1-ի դրությամբ	-	-	-
Մաշվածության գծով ծախս	-	-	-
Մնացորդ 2022թ. դեկտեմբերի 31-ի դրությամբ	-	-	-
Մաշվածության գծով ծախս	5	88	92
Մնացորդ 2022թ. դեկտեմբերի 31-ի դրությամբ	5	88	92
Հաշվեկշռային արժեք			
Մնացորդ 2022թ. դեկտեմբերի 31-ի դրությամբ	-	88	88
Մնացորդ 2022թ. դեկտեմբերի 31-ի դրությամբ	4,895	818	5,713

8. Տրված կանխավճարներ

2023թ. Դեկտեմբերի 31-ի դրությամբ գործընկերներին տրված կանխավճարները կազմում են 10,578 հազար ՀՀ դրամ (2022թ.՝ 10,126 հազար ՀՀ դրամ): Կանխավճարները տրամադրվել են համերգների կազմակերպման, երաժիշտների համերգային ելույթների, ավիատոմսերի և մարքեթինգային ծառայությունների ձեռք բերման համար:

(հազար ՀՀ դրամ)

9. Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են հետևյալ հոդվածները.

	<i>Արժույթ</i>	2023թ.	2022թ.
Ընթացիկ հաշիվներ բանկերում	ՀՀ դրամ	127,020	6,656
Ընթացիկ հաշիվներ բանկերում	Եվրո	14,399	50,865
Ընթացիկ հաշիվներ բանկերում	ԱՄՆ դոլար	2,511	888
Ընթացիկ հաշիվներ բանկերում	Ռուբլի	207	504
Ընդամենը դրամական միջոցներ և դրանց համարժեքներ		144,137	58,913

2023թ. դեկտեմբերի 31-ի դրությամբ Հիմնադրամի դրամական միջոցները տեղաբաշխված են երկու հայկական բանկերում (2022թ.՝ երկու հայկական բանկերում): Բանկերը չունեն հրապարակված վարկանիշ: Դրամական միջոցների և դրանց համարժեքների բոլոր մնացորդները տեղակայված են Փուլ 1-ում:

10. Առևտրային և այլ կրեդիտորական պարտքեր

Կրեդիտորական պարտքերը և պահուստները ներառում են հետևյալ հոդվածները.

	2023թ.	2022թ.
Ստացված նվիրատվությունների գծով պարտավորություններ	7,246	–
Կրեդիտորական պարտքեր գնումների գծով	6,945	1,843
Այլ կրեդիտորական պարտքեր	987	–
Ընդամենը կրեդիտորական պարտքեր և պահուստներ	15,178	1,843

11. Կրեդիտորական պարտքեր աշխատակիցներին

Կրեդիտորական պարտքերը աշխատակիցներին ներառում է հետևյալ հոդվածները.

	2023թ.	2022թ.
Կրեդիտորական պարտքեր աշխատակիցներին	–	–
Չօգտագործված արձակուրդի գծով պահուստ	5,594	2,791
Ընդամենը կրեդիտորական պարտքեր աշխատակիցներին	5,594	2,791

Ստորև ներկայացված է չօգտագործված արձակուրդի գծով պահուստի շարժը.

	Չօգտագործված արձակուրդի գծով պահուստ
Մնացորդ 2022թ. հունվարի 1-ի դրությամբ	995
Տարվա ընթացքում կուտակված	2,050
Տարվա ընթացքում մարված	(254)
Մնացորդ 2022թ. դեկտեմբերի 31-ի դրությամբ	2,791
Տարվա ընթացքում կուտակված	2,803
Տարվա ընթացքում մարված	–
Մնացորդ 2023թ. դեկտեմբերի 31-ի դրությամբ	5,594

12. Եկամուտներ շնորհներից

Տրված նվիրաբերությունները ներառում են հետևյալ հոդվածները.

	2023թ.	2022թ.
Եկամուտներին վերաբերող շնորհներից եկամուտ	219,296	270,563
Ընդամենը տրված նվիրաբերություններ	219,296	270,563

(հազար ՀՀ դրամ)

12. Եկամուտներ շնորհներից (շարունակություն)

Ստորև ներկայացված է ակտիվներին վերաբերող շնորհների շարժը`

	Ակտիվների վերաբերող շնորհներ
Մնացորդ առ 1 հունվար 2023	-
Ստացված տարվա ընթացքում	227,752
Արտարժույթի վերագնահատումից ծախս	(1,211)
Շահույթ կամ վնասում ճանաչված եկամուտ	(219,296)
Մնացորդ առ 31 Դեկտեմբերի 2023	7,245
	Ակտիվների վերաբերող շնորհներ
Մնացորդ առ 1 հունվար 2022	225,039
Ստացված տարվա ընթացքում	45,524
Շահույթ կամ վնասում ճանաչված եկամուտ	(270,563)
Մնացորդ առ 31 Դեկտեմբերի 2022	-

13. Գործուղման և ներկայացուցչական ծախսեր

	2023թ.	2022թ.
Գործուղման ծախսեր	(19,705)	(10,734)
Ներկայացուցչական ծախսեր	(8,760)	(3,447)
Ընդամենը վարչական և այլ ծախսեր	(28,465)	(14,181)

14. Մրցույթների և միջոցառումների կազմակերպման ծախսեր

Մրցույթների և միջոցառումների կազմակերպման գծով ծախսի հիմնական բաղադրիչներն են`

	2023թ.	2022թ.
Համերգասրահների և հյուրանոցների վարձակալություն	(53,059)	(4,660)
Համկերգների և մրցույթների կազմակերպում արտասահմանում	-	(57,830)
Ընդամենը	(53,059)	(62,490)

15. Կարճաժամկետ վարձակալության գծով ծախսեր

Հիմնադրամը գործառնական վարձակալությամբ վերցրել է գրասենյակային տարածք: Վարձակալությունը դասակարգվել է որպես կարճաժամկետ վարձակալություն` համաձայն ՖՀՄՍ 16-ի, և վարձավճարները գծային հիմունքով ծախս են ճանաչվել վարձակալության ժամկետի ընթացքում: 2023թ-ի ընթացքում վարձակալության գծով ծախսը կազմել է 13,333 հազար ՀՀ դրամ (2022թ.` 11,449 հազար ՀՀ դրամ):

16. Մասնագիտական ծառայությունների գծով ծախսեր

Մասնագիտական ծառայությունների գծով ծախսի հիմնական բաղադրիչներն են`

	2023թ.	2022թ.
Հաշվապահական ծառայություն	(7,500)	(6,750)
Գովազդ և աշխատանքների լուսաբանում արտասահմանյան ՉԼՍ-ներում	-	(12,810)
Այլ ծառայություններ	-	(330)
Ընդամենը	(7,500)	(19,890)

(հազար ՀՀ դրամ)

17. Ֆինանսական աջակցության գծով ծախսեր

Հիմնադրամը լավագույն ուսանողներին հատկացրել է կրթաթոշակներ 5,040 հազար ՀՀ դրամ (2022թ.՝ 8,429 հազար ՀՀ դրամ) ընդհանուր գումարով:

18. Շահութահարկի գծով ծախս

Համաձայն ՀՀ Հարկային օրենսգրքի 103-րդ և 21-րդ հոդվածների հիմնադրամը չի համարվում շահութահարկ վճարող: 2023 թվականին Հիմնադրամի շահութահարկի գծով ծախսը՝ 0 (2022թ.՝ 0):

19. Պայմանականություններ

Հիմնադրամի գործառնական միջավայրը

Իրավական միջավայր

Հաշվետու ժամանակաշրջանի ընթացքում Հիմնադրամը դատական գործընթացների կամ վեճերի մեջ չի ներգրավվել: 2023 և 2022 թթ. դեկտեմբերի 31-ի դրությամբ Հիմնադրամի դեմ առկա դատական հայցեր չկան:

20. Գործարքներ կապակցված կողմերի հետ

Հիմնադրամի հիմնադիրները բացահայտված են Ծանոթագրություն 1-ում: Ղեկավարությունը գտնում է, որ Հիմնադրամը տիրապետում է կապակցված կողմերի հետ գործարքների որոշման և պատշաճ կերպով բացահայտման համապատասխան գործընթացների:

Հիմնադրամը կապակցված կողմերի հետ կատարում է այնպիսի գործարքներ, որոնք համարժեք են անկախ կողմերի հետ գործարքներին:

Ստորև ներկայացված են 2023թ. և 2022թ. համար կապակցված կողմերի հետ գործարքների ծավալը, եկամուտներն ու ծախսերը.

	<u>2023թ.</u> <u>Կառավարչական</u> <u>առանցքային</u> <u>անձնակազմ</u>
Ֆինանսական արդյունքների և այլ համապարփակ ֆինանսական արդյունքների մասին հաշվետվություն	
Հատուցումներ աշխատակիցներին	15,847
Մնացորդներ	
Կրեդիտորական պարտքեր աշխատակիցներին	2,987
Տրված կանխավճարներ	7,382
	<u>2022թ.</u> <u>Կառավարչական</u> <u>առանցքային</u> <u>անձնակազմ</u>
Ֆինանսական արդյունքների և այլ համապարփակ ֆինանսական արդյունքների մասին հաշվետվություն	
Հատուցումներ աշխատակիցներին	16,011
Մնացորդներ	
Կրեդիտորական պարտքեր աշխատակիցներին	1,702
Տրված կանխավճարներ	7,382

(հազար ՀՀ դրամ)

21. Ֆինանսական գործիքների իրական արժեք

Իրական արժեքները դասակարգվում են ըստ իրական արժեքի հիերարխիայի տարբեր մակարդակների՝ հիմք ընդունելով գնահատման մեթոդներում օգտագործված ելակետային տվյալները, ինչպես ներկայացված է ստորև:

- ▶ 1-ին մակարդակ. համանման ակտիվների կամ պարտավորությունների համար ակտիվ շուկաներում գնանշվող գներ (չճշգրտված):
- ▶ 2-րդ մակարդակ. 1-ին մակարդակում ներառված գնանշվող գներից տարբեր այլ ելակետային տվյալներ, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ) կամ անուղղակիորեն (այսինքն՝ գների հիման վրա ստացվող):
- ▶ 3-րդ մակարդակ. ակտիվի կամ պարտավորության գծով ելակետային տվյալներ, որոնք հիմնված չեն դիտարկելի շուկայական տվյալների վրա (ոչ դիտարկելի ելակետային տվյալներ):

Դրամական միջոցների և դրանց համարժեքների և առևտրային և այլ կրեդիտորական պարտքերի իրական արժեքները մոտավորապես համասար են դրանց հաշվեկշռային արժեքներին՝ պայմանավորված իրենց կարճ ժամկետայնությամբ:

Ստորև բերված աղյուսակը ներկայացնում է ֆինանսական ակտիվների և պարտավորությունների իրական արժեքը, որոնք ֆինանսական վիճակի մասին հաշվետվությունում չեն չափվել իրական արժեքով:

	Ընդամենը	Մակարդակ 1	Մակարդակ 3
2023թ. դեկտեմբերի 31-ի դրությամբ			
Ֆինանսական ակտիվներ			
Դրամական միջոցներ և դրանց համարժեքներ	144,137	144,137	-
Ֆինանսական պարտավորություններ			
Առևտրային և այլ կրեդիտորական պարտքեր	13,491	-	13,491
	Ընդամենը	Մակարդակ 1	Մակարդակ 3
2022թ. դեկտեմբերի 31-ի դրությամբ			
Ֆինանսական ակտիվներ			
Դրամական միջոցներ և դրանց համարժեքներ	50,913	50,213	-
Ֆինանսական պարտավորություններ			
Առևտրային և այլ կրեդիտորական պարտքեր	4,597	-	4,597

22. Ռիսկի կառավարում

Հիմնադրամի հիմնական ֆինանսական գործիքները կազմված են դրամական միջոցներից և դրանց համարժեքներից, առևտրային և այլ կրեդիտորական պարտքերից: Այս ֆինանսական գործիքների հիմնական նպատակը Հիմնադրամի բարեգործական գործունեությունում կիրառումն է:

Հիմնական ռիսկերը, կապված Հիմնադրամի ֆինանսական գործիքների հետ, հանդիսանում են տոկոսադրույքի ռիսկը, արտարժույթի փոխարժեքի տատանման ռիսկը, պարտքային ռիսկը և իրացվելիության ռիսկը:

Հիմնադրամի Հոգաբարձուների խորհուրդը իրականացնում է վերահսկողություն այդ ռիսկերից յուրաքանչյուրի գծով, որն ամփոփված է ստորև:

Տոկոսադրույքի ռիսկ

Հիմնադրամի եկամուտները և գործառնական գործունեությունից դրամական միջոցների հոսքերը անկախ են շուկայական տոկոսադրույքի փոփոխություններից:

Արտարժույթային ռիսկ

Հիմնադրամը ստանում է արտարժույթով արտահայտված զգալի նվիրաբերություններ իր նվիրատուներից և, հետևաբար, այս տեսանկյունից ենթակա է արտարժույթային ռիսկի: 2023թ.-ի հունվարի 1-ից մինչև 2023թ.-ի դեկտեմբերի 31-ը ընկած ժամանակահատվածում Հիմնադրամն իրականացրել է զգալի արժույթային գործարքներ՝ ծառայությունների վճարումների հետ կապված:

Ստորև ներկայացված աղյուսակը ցույց է տալիս Հիմնադրամի եկամտի զգայունությունը փոխարժեքների հնարավոր ողջամիտ տատանումների նկատմամբ՝ ենթադրելով, որ բոլոր այլ փոփոխականները մնում են հաստատուն (պայմանավորված դրամային ակտիվների իրական արժեքների փոփոխությունների հետ):

(հազար ՀՀ դրամ)

22. Ռիսկի կառավարում (շարունակություն)**Արտարժույթային ռիսկ (շարունակություն)**

	Փոխարժեքի փոփոխություն (%)	Եկամտի վրա ազդեցություն
2023թ.		
ԱՄՆ դոլար	10	251
Ռուբլի	10	21
Եվրո	10	1,440
ԱՄՆ դոլար	(10)	(251)
Ռուբլի	(10)	(21)
Եվրո	(10)	(1,440)
	Փոխարժեքի փոփոխություն (%)	Եկամտի վրա ազդեցություն
2022թ.		
ԱՄՆ դոլար	12.62	112
Ռուբլի	18.56	93
Եվրո	21.31	10,839
ԱՄՆ դոլար	(12.62)	(112)
Ռուբլի	(18.56)	(93)
Եվրո	(21.31)	(10,839)

Հիմնադրամը չունի որևէ համաձայնություն իր գործունեության ընթացքում արտարժույթային ռիսկերը մեղմացնելու համար և ենթակա է արտարժույթի փոխարժեքի փոփոխությունների ռիսկին՝ բաց արժույթային դիրքի չափով:

Պարտքային ռիսկ

Հիմնադրամը համագործակցում է միայն ճանաչված և վճարունակ երրորդ կողմերի հետ:

Հիմնադրամի՝ պարտքային ռիսկին հակվածության վրա ազդում է գործընկերոջ հնարավոր անվճարունակությունը, որի առավելագույն գումարը հավասար է համապատասխան ֆինանսական գործիքի հաշվեկշռային արժեքին:

Իրացվելիության ռիսկ

Հիմնադրամն իրականացնում է շարունակական վերահսկողություն վնասներ կրելու ռիսկի ուղղությամբ, որն առաջանում է իրացվելի ակտիվների բացակայության պատճառով ֆինանսական պարտավորություններն ամբողջությամբ կատարելու անկարողությունից: Հիմնադրամի ֆինանսական պարտավորությունների մարման ժամկետը մեկ ամսից պակաս է: